

Kvalrossen Freya

Sommaren 2022 kom kvalrossen Freya til Noreg. Ho var allereie kjend etter å ha svømt i havet utanfor fleire land rundt Nordsjøen. Freya vart raskt rikskjendis i norsk presse da ho byrja å bruke småbåtar som kvileplass i Kragerø. Dette gjorde at det stadig vart fleire skodelystne som oppsøkte området Freya heldt seg i. Etter kvart vart det ein debatt om Freya burde bli avliva. Vi går no tilbake til ein tenkt situasjon juni 2022.



Dyrevernorganisasjonen NOAH er invitert til skulen din av elevrådet for å informere om Freya. Elevrådet ønskjer å skrive eit felles opprop til Fiskeridirektoratet frå dykk elevar på skulen. Oppropet ber om at livet til Freya må bli redda. Du trur alle dei andre elevane i klassen din vil skrive under. Elevane som ikkje er interesserte i å diskutere Freya blir sett på som om at dei ikkje er glade i dyr og at dei ikkje vil ta vare på dyra i naturen. Rektor støtter oppropet og vil kontakte ein journalist som kan skrive om engasjement til elevane. Norsklæraren din, som er en flink til å skrive kronikkar, vil hjelpe elevrådet med oppropet.